

*D

- 649 Diu botschaft den knappen **twanc**,
daz ern ruochte, wer in **dranc**,
unz in der **künc** selbe **sach**,
der **sîn grüezen** gein im sprach.
5 **Der knappe** gab im einen brief,
der Artuse in sîn herze rief,
dô er von im **wart** gelesen,
dô muoser bî beiden wesen:
daz eine was vreude **untz** ander klage.
10 Er sprach: "wol disem **süezem** tage,
bî des liechte ich hân vernomen:
mir sint diu wâren mære komen
umbe **mîner** werden swester sun.
kan ich **manlich** dienst tuon
15 durch sippe unt durch geselleschaft,
ob triwe **an mir gewan ie** kraft,
sô leist ich, daz mir Gawan
hât enboten, ob ich kan."
Hin zem knappen sprach er dô:
20 "**nû** sage **mir**, ist Gawan vrô?"
"jâ, hêrre, ob ir wellet,
zer vreude er sich gesellet",
sus sprach der knappe wîse.
"er schiede gar von prise,
25 ob ir in liezet under wegen.
wer solt ouch dâ bî vreuden pflegen?
iuwer trôst im zücket vreude enbor,
unz ûzerhalb der riuwe tor
von sîme herzen **kumber** jagt,
30 daz ir **an** im **iht** sît verzagt.

D

1 *Initiale D* 5 *Majuskel D* 10 *Majuskel D* 19 *Majuskel D*

*m

- diu botschaft den knappen **dranc**,
daz er enruochte, wer in **twanc**,
unz in der **künic** selber **sach**,
der **sîn grüezen** gegen im sprach.
5 **der knappe** gap im einen brief,
der Artuse in sîn herze rief,
dô er von im **wart** gelesen,
dô muost er bî **in** beiden wesen:
daz ein was vröude, daz ander klage.
10 er sprach: "wol disem tage,
bî des lieht ich hân vernomen
liebiu mære, diu mir sint komen
umb **mînen** werden swester sun.
kan ich **im manlich** dienst tuon
15 durch sippe und durch geselleschaft,
ob triuwe **an mir gewan ie** kraft,
sô leist ich, daz mir Gawan
het enboten, ob ich kan."
hin zem knappen sprach er dô:
20 "**nû** sage **mir**, ist Gawan vrô?"
"jâ, hêrre, ob ir wellet,
zer vröude er sich gesellet",
sus sprach der knappe wîse.
"er schiede gar von prise,
25 ob ir in liezet under wegen.
wer solte ouch dâ bî vröude pflegen?
iuwer trôst im zücket vröude enbor,
unz ûzerhalb der riuwe tor
von sînem herzen **kumber** jaget,
30 daz ir **an** im **iht** sît verzaget.

m n o Fr69

1 dranc] twang o 2 twanc] trang o 5 brief] [pries]: prieff m 6 Artuse] artuse o 7 gelesen] gelestet senden m 8 in] den n dem o 10 tage] sussen tage n (o) 12 mære] mir o 14 manlich dienst] manlich dienste m manlichen dienst n 16 Ob drú g:wan an mir wol craft o 18 kan] gan o 24 von] vnd o 25 liezet] liessen n 27 zücket] zúchtet o

Diu botschaft den knappen **twanc**,
daz ern ruochte, wer in **dranc**,
unze in der **wirt** selbe **ersach**,
der **sînen gruoz** gein im sprach.
5 **in die hant** gab er im einen brief,
der Artus in *sîn* herze rief,
dô er von im **was** gelesen,
dô muos er bî **den** beiden wesen:
daz ein was vröude, daz ander klage.
10 er sprach: "wol disem **süezem** tage,
bî des liehte ich hân vernomen:
mir sint diu wâren mære komen
umb **mînen** werden swester sun.
kan ich **manlîchen** dienst tuon
15 durch sippe unde durch geselleschaft,
ob triuwe **gewan ie an mir** kraft,
sô leist ich, daz mir Gawan
hât enboten, ob ich kan."
hin ze dem knappen sprach er dô:
20 "sag **an**, ist Gawan vrô?"
"jâ, hêrre, ob ir wellet,
ze **vröuden** er sich gesellet",
sprach der knappe wîse.
"er schiede **ouch** gar von brîse,
25 ob ir in liezet under wegen.
wer solde ouch dâ bî vröude pflegen?
iuwer trôst im zücket vröude enbor,
unze ûzerhalb der riuwen tor
ûz sînem herzen **sorge** jaget,
30 daz ir **an im niht** sît verzaget.

G I L M Z

1 *Initiale G L Z 5* *Initiale I 19* *Initiale I*

2 ern ruochte] en ruchte M er enruht Z **3** ersach] sach I **6** Artus] Artuse L artuse M · sîn] sine G sinen Z **7** dô] Da M Z **8** dô] Da M Z · muos] muster I · den] *om.* Z **9** klage] was chlage I **10** süezem] suszen L (Z) susszē M **11** liehte] lÿht L **12** wâren] rehten I ware M **14** manlîchen] manlich I L (Z) **16** ie an mir] an mir ie L (M) Z **17** ich] *om.* Z **19** dô] da M **22** ze] Zcu der M · gesellet] stellet I gellet L **24** schiede] schiet M (Z) **26** vröude] freuden I (L) (Z) **28** der] *om.* Z · riuwen] triwen I (L) (M) **29** ûz] Von Z

diu botschaft den knaben **twanc**,
daz ern ruochte, wer in **dranc**,
unz in der **künic** selbe **ersach**,
der **sînen gruoz** gēn im **ouch** sprach.
5 **der knabe** gap im einen brief,
der Artuse in *sîn* herze rief,
dô er von im **was** gelesen,
dô muost *er* bî **den** beiden wesen:
daz ein was vreude, daz ander klage.
10 er sprach: "wol disem **süezen** tage,
bî des lieht ich hân vernomen,
mir sîn diu wâren mære komen
umb **mînen** werden swester sun.
kan ich **menlîchen** dienst tuon
15 durch sippe und durch geselleschaft,
ob triuwe **an mir gewan ie** kraft,
sô leist ich, daz mir Gawan
hât enboten, ob ich kan."
hin zuom knaben sprach er dô:
20 "**nû** sag **mir**, ist Gawan vrô?"
"jâ, hêrre, ob ir wellet,
zuo **der vreude** er sich gesellet",
sprach der knabe wîse.
"er schiede **ouch** gar von prîse,
25 ob ir in liezet under wegen.
wer solt ouch dâ bî vreuden pflegen?
iwer trôst im zücket vreude enbor,
unz ûzerhalb der riwen tor
von sînem herzen **kumber** jaget,
30 daz ir **von im niht** sît verzaget.

Q R W V

1 *Initiale V · Capitulumzeichen R*

1 botschaft] botschfft W **2** in dranc] im dankt R **3** selbe ersach] selber sach V **4** ouch] *om.* V · sprach] iach R **6** Artuse] Artus R · rief] lieff W **8** er] *om.* Q **9** was] *om.* R W · ander] andere waz V **10** süezen] [svze*]: svzem V **12** sîn] sind R (W) (V) · diu wâren] waren W [*]: liebe V **14** ich] [*]: ich im V · menlîchen dienst] manliche dienste R **15** sippe] sigē R [*]: sippe V **20** Gawan] Gawin R **22** zuo der vreude] Zer froden R Zu froden W [Zr]: Ze froiden V **24** [E*]: Er schiede gar von prise V **26** solt] sol R · ouch] *om.* W · vreuden] frode R **28** riuwen] trúwen R reúwe W [trúwe]: rúwe V **29** kumber] ez kvnber V **30** von] an R W V · niht] [*iht]: niht V